

請交換



毛詩
釋地

吳
昌
穀



民大叢書
第六種

桂文燦著

私立廣東大學出版組編印

民大叢書

第六種

桂文燦著

平
詩
釋
地
甲
卷

私立廣東國民大學出版組編印
中華民國三十六年五月

毛詩釋地卷之一

周南 召南

周南 召南

鄭氏譜周召者禹貢雍州岐山之陽地名今屬右扶風美縣地形險阻而原田肥美周之先公曰太王者避狄難自幽始遷焉而修德建王業商王帝乙之初命其子王季爲西伯至紂又命文王與治南國江漢汝南之諸侯於時三分天下有其二以服事殷故罪桀荊豫徐揚之人咸被其德而從之文王受命作邑於豐乃分岐邦周召之地爲周公且召公奭之采地施先公之教於已所職之國武王伐紂定天下巡狩述職陳誦諸國之詩以觀民風俗六州者得二公之教尤純故獨錄之屬之大師分而國之其得聖人之化者謂之周南得賢人之化者謂之召南言二公之德教自岐而行於南國也

公羊隱公五年傳自陝而東者周公主之自陝而西者召公主之何注陝蓋今宏農陝縣是也

陝文陝宏農陝也古虢國王季之子所封也後漢郡國志美陽有周城陝縣有陝陌二伯所分水經陝縣故城注周召分伯以此城爲東西之列括地志周城一名美陽城在雍州武功縣西北二十五里卽太王城也陝原在陝州陝縣西南二十五里分陝從原爲界

毛詩釋地

案漢右扶風美陽縣地今爲陝西鳳翔府岐山扶風二縣也今扶風縣東爲武功縣縣北西有周城太王邑於岐山之下卽此宏農陝縣今河南陝州直隸州廢陝縣是也廢縣西南二十五里有陝原二伯所分卽此鄭譜云雍梁荊豫徐揚之人咸被文王之德而從之雍州今爲陝西之西安同州鳳翔延安榆林甘肅之蘭州平涼鞏昌慶陽甯夏西甯涼州甘肅鎮西十四府乾州邠州興安鄜州綏德肅州通化安西八州洮州一廳漢中府除鳳縣秦州除兩當爲梁州餘皆雍州其在化外南至西傾積石北至沙漠梁州今爲陝西漢中府之南境及興安商州甘肅鞏昌府之南境及階州秦州湖北之隕陽府四川全省及雲南貴州北境荊州爲今湖北漢陽安陸黃州德安荊州宜昌施南等府及襄陽之南境湖南全省及四川叙州重慶夔州等府之江南地廣西桂林貴州遵義等府豫州爲今河南河南開封陳州歸德南陽汝甯六府許陝汝光四州及直隸大名府西北境山東曹州府東南境江南潁州府之西境湖北襄陽德安二府之北境鄖陽府之東境徐州爲今江南徐州府泗州海州及鳳陽淮安二府北境山東兗州沂州二府濟甯州泰安府南境曹州府東南境揚州爲今江南江蘇安徽兩省及江西浙江西則河南之汝甯湖北之黃州等府自陝以東蓋徐揚二州及豫州東北境荊州東境乃今河南省之河南開封陳州歸德南陽汝甯六府汝許光三州及直隸省之大名府西北境山東省之兗州沂州二府濟甯州泰安府南境曹州府東南湖北省之武昌漢陽襄陽德安安陸黃州荊州七府及荊門州湖南省之長沙岳州衡州三府及澧州郴州桂陽三州及江南江西浙江三省皆周公主之者也自陝

以西轘雍梁二州及荊州西境豫州西南境乃今河南省陝州屬之閿鄉靈寶盧氏三縣湖北省之鄖陽宜昌施南三府湖南省之常德永順辰州永州寶慶五府乾州晃州靖州三州陝西甘肅四川三省及雲南貴州廣西三省北境皆召公主之者也

河洲

周南關雎在河之洲

傳水中可居曰洲

案公羊傳云自陝而東者周公主之自陝而西者召公主之注陝蓋今宏農陝縣是也今河南陝州之北正臨大河則經云河洲乃大河之洲或以爲北方流水之通名殆非也

南有樛木

樛木南有樛木

傳南南土也雙南土謂荆揚之域

案禹貢荊州之域乃今湖南湖北及貴州廣西北境楊州之域乃今江南江西浙江之地也

漢江

漢廣漢之廣矣江之永矣

漢地理志蜀郡獬氏道禹貢嶓山在西徽外江水所出東南至江都入海過郡北行二千六百六十里

案今江水出四川松潘廳羊膊嶺南流至四川叙州府又東流至江西九江府又東北流至江蘇通州入海志文二千說文繫傳引作七千是也

漢志隨西郡禹貢嶓山西漢所出南入廣漢白水（六字疑衍文）東南至江州入江過郡四行二千七百六十里

案今西漢水甘肅秦州嶓冢山西南流又東南至徽縣及徽縣以南之嘉陵江也南流至四川巴縣入江

漢志武都郡沮水出東狼谷南至沙羨南入江過郡五行四千里荊州隨西郡氏道禹貢荦水所出黑水都爲漢武都郡武都東漢水受氏道水一名沔過江夏謂之夏水入江

案沮水今陝西沔縣上沮水出縣北境山下流爲東漢水東南流至湖北江夏縣入江荦水今甘肅鞏州黑峪山也今黑峪江不與東漢水通流志云荦水至武都爲漢又云東漢水受氏道水皆存禹貢故道耳漢時東漢水已不受氏道水故於沮縣下以沮水爲其源也夏水者漢水支流今漢水至湖北漢江縣漢川縣沔陽州支分南出交絡爲邇邇湖赤野湖沙湖皆東流入江

汝墳

汝墳連彼汝墳

傳汝水名也

漢地理志汝南郡定陵高陵山汝水出東南至新蔡入淮過郡四行千三百四十里

案今汝水出河南嵩縣西南境山此定陵當近今嵩縣也汝水自嵩縣東南流至郟城縣皆故道其下古今異流攷漢志水至上蔡入汝以水經證之汝水郟城縣（漢郟縣過上蔡縣（漢上蔡）汝陽縣今已湮矣其下流則今汝陽以東之南汝河也東流至安徽阜縣陽入淮此汝水源流古今變遷之異也傳以墳爲大防今不能實指其所在矣

南山

召南草蟲陟彼南山

傳南山周南山也

旒其雷在南山之陽

傳山南曰陽

案南山終南山也左氏傳又作中南漢志則以爲太一此山橫亘關中以南西起秦隴東徹藍田凡今雍鄠鄠長安萬年諸縣相去八百餘里連縣峙據其南者皆此山也此山雖廣大然太一峯最高故漢

志以太一當之

江有汜

江有汜 江有汜

爾雅水浹復入爲汜

水經夏水出江流於江陵縣東南注云江津豫章口東會中夏口是夏水之首江之汜也漢地理志華容夏水首受江東入沔行五百里

案今湖北江陵縣東南境紅馬湖出自大江東岸之郝穴漢時蓋於受江者今不受江與古異也東流與遼遠湖沙湖合漢志既云東漢水謂之夏水又於此云夏水首受江明夏水爲江與漢之支分非一源也此云入沔者與沔水之支流合也

江有渚

江有渚

傳渚小洲也水枝成渚

韓詩章句一溢一否曰渚

爾雅水中可居曰洲小洲曰渚

左氏文十年傳王在渚宮注小洲曰渚正義渚宮當鄆都之南

案楚之鄆都今湖北江陵縣也江陵正當大江北岸其南故爲渚宮也

江有沱

江有沱

爾雅水自江出爲沱

漢地理志蜀郡汶江沱在西南東入江

案今四川雜谷廳孟董溝東南流入江今此水自江水分出之處已涸矣

漢志蜀郡郫禹貢江沱在西南東入大江

案今江水自四川灌縣分二派南一派過溫江縣雙流縣新津縣者大江正流也此江沱

則西南一派過崇慶州至新津縣復合也

漢志南郡枝江江沱出西東入江

案今湖北枝江縣江中有洲分江水爲二東流復合是也漢志蜀郡之江沱於禹貢屬梁州南郡之江沱於禹貢屬荊州公羊傳言自陝以東周公主之自陝以西召公主之今四川雜谷廳及灌縣溫江雙流等縣固在河南陝州之西卽湖北枝江縣亦適當陝州以西詩之江沱無由定其爲梁州抑爲荊州也且詩人之江沱與汜渚並言而言曰有汜有渚有沱乃詩人約略之詞在詩人之意亦未嘗切指其

處與禹貢梁荆分紀異也必求其地以實之鑿已

邶鄘街

邶鄘衛

漢地理志河內本殷之舊都周既滅殷分其畿內爲三國詩風邶鄘衛國是也邶以封紂子武庚鄘管叔尹之衛蔡叔尹之以監殷氏謂之三監故書序武王崩三監畔周公誅之靈以其地封弟康叔號曰孟侯以夾輔周室遷邶鄘之民於雒邑故邶鄘衛三國之詩相同又云河內朝歌縣紂所都康叔所封更名衛鄭氏謂邶鄘衛者商紂畿內方千里之地其封域在禹貢冀州大行之東北踰衛漳東及冀州桑土之野周武王伐紂以其京師封紂子武庚爲殷後庶頑民被紂化日久未可以建諸侯乃三分其地置三監使管叔蔡叔霍叔尹而教之自紂城而北謂之邶南謂之鄘東謂之衛說文邶故商邑自河南朝歌以北是也

通典衛州新鄉縣西南三十有二里有鄘城卽鄘國左傳說佗曰分康叔封陟土畧自武父以南及圃田之北境封于殷墟

案今河南衛輝府東有故邶城府城西有故鄘城有鄘水出宜蘇山衛輝府淇縣東北有朝歌故城卽衛康叔始封之地後戴公廢滑乃今衛輝滑縣地縣東六十里有衛南故城爲衛楚邱文公遷都於此

漕

邙風擊鼓土國城漕

左氏閼公二年傳立戴公以廬於漕注衛下邑正義當在河東近楚邱

通典滑州白馬縣衛國曹邑戴公廬於曹卽此

案今河南衛輝府滑縣南二十里白馬城是其地也

陳宋

平陳與宋

鄭氏譜陳者太皞虞羲氏之城帝舜之冑有虞閼父者爲周武王陶正武王賴其利器用與其神明之後封其子媯滿於陳都竟邱之側是曰陳胡公以備三恪妻以元女大姬其封域在禹貢豫州之東其地廣平無名山大澤西望外方東不及明緒漢地理志梁國睢陽縣故宋國微子所封本閼伯之墟

通典陳州宛邱縣陳都

案陳故國城今爲河南陳州府淮寧縣地宋國故城今爲河南歸德府治商邱縣漢睢陽故城當在縣南也

毛詩釋地

寒泉浚

凱風爰有寒泉在浚之下

水經注濮水枝津東逕浚城南而北去濮陽三十五里城側有寒泉岡卽詩爰有寒泉在浚之下世謂之

高平渠非也

通典寒泉在濮州濮陽縣東南浚城

案濮陽今山東曹州府濮州也濮水逕其南其卽今之魏河矣魏河源出直隸大名府開州經濮州南

東北流與運河合寒泉與浚蓋並在其側也

涇渭

谷風涇以渭濁

爾雅職方氏其川涇洧其浸渭洛注涇出涇陽漢地理志安定郡涇陽并頭山在西禹貢涇水所出東南至陽陵入渭過郡三行千六十里雍州川隴西郡首陽禹貢同穴山在西南渭水所出東至船司空入河過郡四行千八百七十里雍州浸

案今涇水出甘肅平涼縣西北四十里有醜峒山卽并頭山也涇水出山之涇谷經涇州又經陝西邠州長武縣至西安府高陵縣西南二十里入渭渭水出甘肅渭源縣鳥鼠山經鞏昌府又經寧遠縣伏

姜縣秦州山西寶雞縣鄠縣整屋縣咸陽縣高陵縣涇水從北來注之又經渭南縣平華陰縣入河

黎

式微序黎侯寓衛勸以歸也

隼黎侯在衛西今所寓在衛東

說文黎國在上黨東北

通典潞州上黨縣古黎侯國西伯戡黎卽此漢爲壺關縣

案漢志上黨壺關應劭注曰黎侯國也今黎亭是與許說合今山西潞安府府治卽漢壺關縣地府西

南三十五里有黎亭

中露 泥中

胡爲乎中露

傳中露衛邑也

胡爲乎泥中

傳泥中衛邑也

水經河水又東北過黎陽縣南注黎侯國也詩式微黎侯寓於衛是也又瓠子河注瓠河又東逕黎縣故

毛詩釋地

城南王莽改曰黎治矣孟康曰今黎陽也薛瓌言按黎陽在魏郡非此黎縣也世謂黎侯城昔黎侯陽寓于衛詩所謂胡乎泥中毛云泥中邑名疑卽此城也土地汙下城居小阜魏濮郡治也郡縣志黎邱在鄆城縣西四十五里黎侯寓于衛因以爲名

案漢地理志黎縣屬東郡爲今直隸大名府開州地泥中在開州與黎陽屬魏郡爲今河南衛輝府懷縣之東卽開州之西二者皆衛地皆以黎侯寓此得名薛瓌言黎陽非黎縣是也孟康謂黎陽卽黎縣失之至鄆城縣今屬山東曹州府爲漢東郡壽良縣地春秋時爲魯國西境此別是一黎非黎侯所寓之地郡縣志說尤誤矣

旄丘

旄丘旄上之葛今

傳前高後下曰旄丘

爾雅釋丘前高旄丘注引此詩

實字記旄丘在澶州臨河縣東

案今在直隸大名府開州也

泉水 淇水 肥泉 泉源

泉水
泉水發彼泉水亦流於淇我思肥泉

衛風竹竿泉源在左淇水在右淇水在右泉源在左

傳淇水名也所出同所歸異爲肥泉

爾雅釋水歸異同流注引此傳

漢地理志河內郡共縣北山淇水所出東至黎陽入河上黨郡壺關沾水東至朝歌入淇

水經注泉源水有二源一水出朝歌西北又東與左水合謂之馬溝水又美溝水出朝歌西北大嶺下
出逕駱駝谷於中逕迤九十曲故俗有美溝之目歷十二轉磔流相承泉響不斷

案泉水卽肥泉亦卽泉源皆今河南輝縣百泉水也百泉水出蘇門山卽漢之北山也今百原水出蘇
門山南流至輝縣南分東西二派一派今曰衛河東流經今新鄭汲縣北淇縣南今之淇河自北來會
之又東北流經濬縣內黃縣西又東北入運河一派今曰小丹河西流經今獲嘉縣北修武縣南西大
丹河入沁河此毛傳爾雅所謂出同歸異曰肥原也東派衛河西派小丹河古皆謂之淇水經曰源原
在左淇水在右在右之淇水謂今之小丹河也若謂在右之淇水屬今之衛河言則詩人當日泉源在
右淇水在左已今淇縣爲古朝歌縣地今之淇河源出太行山又一派今曰淇泉在其南並東流經今
淇縣北屈南流經今淇縣東入今衛河此蓋漢志沾水卽水經注之馬溝水美溝水也邵二雲郝蘭皋
乃以馬溝水美溝水當肥泉又謂鄭道元以所出異所歸同爲肥義本舍人與郭說異夫天下之水

矣何水非異出同歸乎豈皆得名爲肥乎斯不然矣惟同源異流之水世罕有之故爾雅特著其名耳此釋名所謂源本同出分枝散而多賜肥者也

涕補

出宿於涕飲錢於補

傳涕補地名箋所嫁國適衛之道所經

漢地理志河東郡垣禹王屋山在東北沁水所出東南至武德入河軼出榮陽北地中又東至琅槐入海過郡九行千八百四十里東郡臨邑有涕廟

婁宇記大瀾溝在曹州冤句縣北七十里案濟水出今河南濟源縣王屋山東南流至武陟縣入河臨邑故城在今山東茌平縣東與冤句之大瀾溝皆非衛地也涕補傳並以爲地名蓋衛近郊之地釋文引韓詩作泥廣韻泥地名字通作泥鄭注士虞禮引詩飲錢于泥（今本亦作補釋文補劉本作泥）疑補卽式微之泥中也在今直隸開州南

干言

出宿于干飲錢于言

傳干言所適國郊也

漢地理志東郡有發干縣

續漢書郡國志東郡國有干城

隋志九域邢州內丘縣有干言山

案漢發干縣故城在今山東堂邑縣西南五十里觀下文云濫臻於衛則干言自非衛地不得以東郡之發干當之惟水經注泲水又東南逕干言山隋志邢州內丘縣有干言山御覽引李公緒紀拍人縣有干言山蓋拍人與內丘連界今直隸順德府唐山縣西北有干言山延袤數十里西連內丘縣界者是也

須漕

思須與漕

傳須漕衛邑也

漢地理志陳留郡封丘濮渠水首受沛東北至東關入羊里水過郡三行六百三十里

水經注濮渠東逕須城北北詩思須與漕漕卽漕邑

案濮渠水今河南封丘縣沙河也縣南黃河爲漢時沛漕今沙河不受黃河與古異也東北流經直隸

長垣縣東明縣至山東濮州與魏河合羊里水卽魏河也漢渠水東逕須城北須城蓋在今直隸大名府長垣縣境也王氏地理考以漢志東郡須昌縣故須句國爲須地按今山東泰安府東平州東南有須句故城今東平州春秋時屬魯不屬衛王氏似誤也

新臺

新我乎桑中

水經河水注河水又東逕鄆城縣北故城在河南十八里河之北岸有新臺鴻基層廣高數丈衛宣公所築

寰宇記新臺在濮州鄆縣東北十七里北去河四里
輿地廣記開德府觀城縣有新臺

通典魏州黃縣有新臺

案鄆城今山東濮州也觀城縣屬濮州唐黃縣爲今山東冠縣春秋時晉邑通典之說失之鄭注言新臺在鄆城北岸明正統中鄆城故城爲河所圯新臺故跡今不可考矣

鄆風桑中沐之鄉矣

傳沫衛邑

尙書酒誥朋大命於妹邦馬注妹邦卽牧養之地鄭注妹邦紂之都所處也于詩國屬鄭故其風言有沫之鄉則沫之沫之東都歌也

案今河南衛輝府淇縣北有妹鄉

桑中

期我乎桑中

正義譜云東及兗州桑土之野今濮水之上地有桑間濮陽在濮水之北是有桑土明矣尙書禹貢桑土既蠶鄭注其地有桑間者

禮記樂記桑間濮上之音亡國之音也注桑間在濮陽南

案濮陽今山東曹州府濮州也濮水今日魏河鄭云桑間在濮陽南是桑中在今濮州境

上宮

要我乎上宮

通典衛州衛縣有上宮臺

案唐衛今河南衛輝府淇縣也上宮臺蓋在縣境

楚宮 楚室

毛詩釋地

定之方中序文公徙居楚丘始建城市而營宮室作於楚宮作於楚室

傳楚宮楚丘之宮也仲梁子曰初立楚宮也雋魯僖二年齊桓公城楚丘封衛楚丘謂宗廟也楚室居室也君子將營宮室宗廟爲先廡庫爲次居室爲後

鄭志張逸問楚宮今何地答曰楚丘在濟河間疑在今東郡界

漢地理志齊桓公更封衛於河南曹楚丘而河南內殷虛更屬於晉

通典滑州衛南縣衛文公遷楚丘卽此城

案今河南衛輝府滑縣東六十里隋衛南陵縣卽古楚丘城也隋初置楚丘縣後改衛南縣全省入白馬縣明又省入衛縣

堂

望楚與堂

傳楚丘有堂邑者

春秋僖二年城楚丘左氏傳諸侯城楚丘而封衛焉注衛邑

案古楚丘城在今河南滑縣東六十里堂邑當在今滑縣境矣或乃以今山東堂邑縣當之堂邑縣今

屬東昌府春秋時屬齊國非衛地在今滑東北三百餘里非目力所能及無由望見其非也

景山

景山與京

商頌殷武陟彼景山

傳曰景山太山

水經注河水分濟北逕景山東又北逕楚丘城西寰宇記景山在澶州衛南縣東南三里

案今河南衛輝府滑縣東六十里有隋衛南廢縣是景山在今滑縣境也左氏昭三年傳商湯有景宅之命杜預杜謂杜即偃師或乃謂偃師縣南二十里有景山攷今偃師縣西十里尸鄉亭爲西亳春秋時屬鄭地蓋非也

許

衛風載馳許人尤之

漢地理志潁川許縣故許國

案今河南許州治東三十里有故許城卽新設石梁縣治也春秋成公十五年許靈公長楚遷于葉鄭有其地仍謂之舊許襄公十一年諸侯伐鄭東侵舊許卽此

碩人邢侯之妹

毛詩釋地

漢地理志越國襄國縣故邢國

案漢襄國故城今在直隸順德府邢臺縣西南

譚公維私

春秋莊十四年齊師滅譚注譚國在濟南平陵縣西南案今山東濟南府歷城縣東南七十里有譚城

河水洋洋北流活活

尙書禹貢東過洛汭至於大伾北過絳水至於大陸又北播爲九河同爲逆河入於海

案禹河故道自大伾以後皆北流入海以今地攷之自河南濬縣至臨漳縣境今已涇濬縣之衛河蓋其故瀆其過臨漳境者今已涇自臨漳以北則漢時漳水所行至今直隸冀州又東北則漢時洹水及摩澤河所行又東北分爲九派至今天津縣入海此北流之河在齊衛之間自魯適衛故渡河而詠歎也

頓丘

氓至于頓丘

漢地理志東郡頓丘縣

案今直隸清豐縣即其地也

復關

以望復關

傳復關君子所近也

寰宇記澶州臨河縣復關城在南黃河北阜也復關隄在南三百步黎陽下入清豐縣界

案古臨河縣今直隸大名府開州也復關蓋在州境已

狄人

木瓜序美齊桓公也衛國有狄人之敗出處於漕齊桓公救而封之遺之軍馬器服焉衛人思之欲厚報之而作是詩也

爾雅釋地九夷八狄七戎六蠻謂之四海又八蠻在南方六戎在西方五狄在北方李巡云五狄者一曰月支二曰穢貊三曰匈奴四曰獯子五曰白屋

說文狄赤狄也狄之爲言淫辟也从犬亦省聲

案狄類有五而侵衛之狄則獯子乃赤狄別種今山西之潞城黎城襄垣三縣河南之武安涉二縣直隸之沙河永平雞澤三縣皆其故土也南與衛鄰故遷都以避之

毛詩
釋地

毛詩釋地卷二

王

王風

鄭氏譜王者周東都王城畿內方百里之地其封城在禹貢豫州太華外方之間北得河陽漸冀州之南
始武王作邑於鎬京謂之宗周是爲西都周公攝政五年成王在豐欲宅洛邑使召公先相宅既成謂之
王城是爲東都今河南是也

漢地理志周地今之河南雒陽穀城平陰偃師鞏縣氏是其分也

案平王遷都王城今河南洛陽縣西河南故城是也敬王又遷成周今河南洛縣東洛陽故城是也二
故城東西相去四十里

申甫

揚之水不與我戍申不與我戍甫

傳申姜姓之國平王之舅甫諸姜也

毛詩釋地

國語鄭語史伯曰當成周者南有申呂周語富辰曰齊許申呂由大姜

尙書呂刑禮記孝經並作甫刑

史記謂甫侯言于王作修刑辟是呂卽甫也鄭康成曰呂侯受王命入爲三公

漢地理志南陽郡宛縣故申伯國

括地志故呂城在鄧州南陽縣西徐廣云呂在宛縣水經注宛西呂城四嶽受封於呂

案今河南南陽府南陽縣北有故申城申呂漢皆爲宛縣地卽今之南陽縣也

留

丘中有麻彼留子嗟

傳留大夫氏

曹氏曰留本邑名其大夫以爲氏

左氏隱十一年傳王取鄆劉蒞邲之田鄭注鄆劉二邑在河南緱氏縣西南有鄆聚西北有劉亭案當與

劉古字通詩之留當卽左傳之劉也緱氏縣今河南偃師縣也

鄭

鄭風

鄭氏譜初宣王封母弟友於京周畿內咸林之地是爲鄭桓公今京兆鄭縣是其都也又爲幽王大司徒
甚得周衆與東土之人問于史伯曰王室多故余懼及焉其何所而可以逃死史伯曰其濟洛河潁之間
乎是其子男之國號鄆爲大號叔特勢鄆仲特險皆有驕修怠慢之心加以貪冒君若以周難之故寄帑
與賄不敢不許是驕其貪必將背君君以成周之衆奉詞伐罪無不克矣若克二邑鄆蔽補丹依囂革華
君之士也修典刑以守之惟是可以少固桓公從之言然之後三年幽王爲犬戎所殺桓公死之其子武
公與晉文侯定平王子東都王城率取史伯所云十邑之地右洛左濟前華後河食漆洧焉今河南新鄭
是也

漢地理志鄭國今河南之新鄭本高辛氏火正祝融之虛也及成皋滎陽潁川之崇高陽城皆鄭分也
括地志鄭故城在華州鄭縣西北三里桓公友之邑秦縣之

案漢京兆鄭縣今陝西同州府華州是也歷代有鄭縣元省入華州故城在今州西北三里漢河南新
鄭今河南許州屬新鄭縣是也

祭

將仲子將仲子兮

傳仲子祭仲也

毛詩釋地

括地志故祭城在鄭州管城縣東北十五里鄭大夫祭仲邑

水經注長垣縣有祭城祭仲之邑

左氏桓十一年傳祭封人仲足注陳留長垣縣東北有祭城

案括地志以管城之祭地爲祭仲邑路史則以管城之祭爲周祭伯采地或疑鄭并祭以封仲攷隱元年祭公來桓八年祭公逆王后於紀莊二十三年祭叔來聘祭未嘗滅也鄭安得取以封仲乎蓋鄭國自有祭邑不在畿內今案祭地有三一爲直隸大名府長垣縣之祭城一爲管城之祭城管城今爲鄭州一爲開封府中牟縣之祭亭長垣去鄭遠衛之匡蒲宛濮皆在其縣地當屬衛鄭何能有其地以封祭仲杜說非也路史以管城之祭爲祭伯采地其說長矣蓋鄭州近王畿也但其後鄭亦并之耳中牟正爲鄭地祭仲之邑當在此

京

叔于田刺莊公也叔處于京繕甲治兵以出於田國人說而歸之

左氏隱元年傳請京使居之注鄭邑今滎陽京縣公羊穀梁春秋襄十一年同盟於京城北

漢地理志河南郡京縣即共叔段所居

括地志京縣故城在鄭州滎陽縣東南二十里鄭之京邑

案今河南開封繁陽東南二十里有京故縣是也春秋襄十一年京城左氏作亳城亳在今河南偃師縣乃殷之舊都去鄭境遠當時爲周地諸侯豈越鄭而盟於此故今據公穀以爲訛也

彭消軸河上

清人清人在彭清人在消消清人在軸河上乎躬翔

傳清邑人彭衛之河上鄭之郊也消軸河上地也

箋消者高宣所師衆之邑也正義饗敵於境在鄭衛境上翱翔河上是迎軍近河而衛境亦至河南讀鄭國志河南中牟縣有清水口

水經注渠水又東清水池水注之清池水出清陽亭西南平地東北流逕清陽亭南東流卽故清入城也詩清人在彭彭爲高克邑杜預春秋釋地云中牟縣西有清陽亭是也清水又屈而北流至清口驛七澗水注之下又云期水北與七虎澗合逕期城東會清口水

案中牟縣在今河南開封府西七十里水經注渠水蓋今之索河清池水蓋今之大清河七虎澗水則水蓋今之東涼河磨河灤河等水皆河南賈魯河之上源也水經注彭爲高克邑此條上下文皆止言清不當贅及於彭彭蓋清水之誤也彭消與軸蓋皆近清之地並在今中牟縣境左右者也

漆消

漆洧漆與洧

傳漆洧南水名

孟子離婁篇子產聽鄭國之政以其乘輿濟人於漆洧

漢地理志潁川郡陽城陽山水洧所出東南至長平入潁過郡三行五百里

說文潧水出鄭國詩曰潧與洧方汎汎今洧水出潁川陽城山東南入潁

水經洧水出河南密縣西南馬飲山又東過新鄭縣南渭水從西北來注之又東過鄧陽城西折入干潁

案今洧水出河南密縣西南流至縣南潧爲金花泉東行爲雙泊河漆水自北來注之又東行經新鄭

縣洧川縣南又東行經鄆陵縣扶溝縣北入賈魯河南流至西華縣入潁也

齊

齊風

鄭氏譜齊者古少皞之世爽鳩氏之墟周武王伐紂封太師呂望於齊是爲齊太公地百里里都營丘在

禹貢青州岱山之陰濰淄之野

漢地理志成王滅蒲始以封師尙父齊郡臨淄縣師尙父所封壤謂臨淄卽營丘也

案今山東青州府臨淄縣卽營丘也博興卽蒲姑也今昌樂縣東南有五十里有廢營陵城此春秋之

營陵地漢爲營陵縣隋置營丘縣此蓋緣營聲近而轉丘陵義同而易非其地也

獨

還遺我乎獨之閒兮

傳獨山名

漢地理志作懷注山名或作獨亦作懷相逢於嶧山也案獨山在今山東臨淄縣東南十五里

南山

南山南山雀雀

傳南山齊南山也

孟子告子篇云牛山之木嘗美矣注牛山齊之東南山也水經注淄水逕牛山西又東逕臨淄縣故城南東得天齊水口水出南郊山下左思齊都賦曰牛嶺鎮其南者也

案南郊山在今山東臨淄縣東南一十五里一名南野山

汶水

戴聖汶水湯湯魯道有蕩

漢地理志泰山郡汶水出萊毋西入濟萊蕪又禹貢汶水出西南入沛桑欽所言

毛詩釋地

水經注汶水南逕鉅平縣故城東西南流城東有魯道詩所爲道有汶上夾水有文姜臺汶水西南流詩云汶水滔滔

案今汶水出山東萊蕪縣西南流入運河此一水漢志不當再見泰山郡下汶上出萊母西入濟八字蓋衍文也王伯厚引曹氏說謂許氏以爲出琅邪朱虛縣東泰山東至安丘入濰桑欽以爲出泰山萊蕪縣原山西南入濟以爲班孟堅兩存其說夫汶水有二出萊蕪縣原山入濟者乃徐州之汶水出萊虛縣東泰山入濰者乃青州之汶也名同水異班氏故並記之曹氏以爲班氏兩存其說誤也王氏後引曾氏之說是也朱氏以爲在齊南魯北二國之境欲遷就而合爲一水亦失之至許氏說文旣以汶爲出東虛東泰山入濰又云桑欽說汶水出泰山萊蕪西南入沘此誠如曹氏所謂兩存其說矣夫說文爲志書而非地志可並記而不可兼存許氏以桑欽所言爲或說則誤矣魯之間有兩汶水今知詩人所詠乃入沘之汶水而非入濰之汶水者以入濰之汶水屬東境而入沘之汶水屬魯東境文藝自魯往齊所當經也

魏

鄭氏譜魏者虞舜夏禹所都之地在禹貢冀州雷首之北折城之西南以封同姓焉其封城南河曲北涉汾水漢地理志魏國亦姬姓也在晉之南河曲故詩曰彼汾一曲實諸河之側孔聞魏之歌曰美哉汾風乎以德輔此則明主也河東郡河北縣詩魏國

案今山西潞州府治永濟縣東南五里有蒲坂城爲晉河曲卽魏地也

汾沮洳

汾沮洳彼汾沮洳

傳汾水也沮洳其漸洳者

大雅韓奕汾王之甥

箋汾王厲王也厲王流於彘彘在汾水之上故詩因以號猶言萑郊公黎比公也

周禮職方氏冀州其浸汾潞注汾出汾陽

左氏桓三年傳遂翼侯於汾陽注汾水潞釋例曰汾水出太原故汾陽縣東南至晉陽縣西南逕西河平陽至河東汾陰縣入河又僖十六年狄侵晉涉汾及昆都注汾水出太原南入河

漢地理志太原郡汾陽北山汾水所出西南至汾陰入河過郡二行千三百四十里冀州浸

水經汾水西太原汾陽北管涔山至汾陰北西注於河

案今汾水出山西靜樂縣管涔山西南流經太原府太原縣又經邪縣平遙縣又經霍州汾西縣又經曲沃縣至河津縣入河

河干

毛詩釋地

伐檀實之河之干兮

傳干厓也

案山西解州縣芮城縣北五里爲春秋時魏國其地正在河之陽詩之河干蓋即在此

唐

唐風

鄭氏譜唐者帝堯舊都之地今日太原晉陽是堯始居此後乃遷河東平陽成王封武弟叔虞于堯之故墟曰唐侯南有晉水至於燹改爲晉侯其封域在禹貢冀州太行恆山之西太原太岳之野至曾孫成侯南徙居曲沃近平陽焉

案今山西太原府太原縣卽古唐國也

沃鵠

揚之水從子于沃從子于鵠

傳沃曲沃也鵠曲沃之邑也

案今山西絳州聞喜縣東二十里卽桓叔所封之曲沃也鵠蓋其旁邑今不可攷已

首陽

采苓首陽之顛

傳首陽山名也

禹貢壺口雷首

左氏宣二年傳宣子田於首山注首山在河東蒲坂縣東南

括地志雷首山西起雷首東至吳坂坂長數百里隨地異名

通典雷首在河東縣（今山西蒲州府府治永濟縣）此山凡有八名歷山首陽山蒲山襄山甘藪山中
條山渠諸山獨頭山也

案禹貢雷首左傳首山即首陽也今名中條山在山西蒲州府城三十里

毛詩釋地

毛詩釋地卷三

秦

秦風

鄭氏譜秦者隴西谷名

漢地理志非子邑於秦今隴西秦亭秦谷是也

案今甘肅秦州清水縣西有故秦城非子始封地又陝西鳳翔府隴州南三里有秦城一統志非子所封秦谷蓋在是已

阪

車鄰阪有漆

傳彼者曰阪

漢地理志隴西有隴坻其西隴阪也即今隴山通典秦州有大阪

案尙書禹貢織皮西傾因桓是來鄭注桓是隴阪名

毛詩釋地

西戎

小戎序美襄公也

在其板屋

傳西戎板屋

漢地理志天水隴西山多林木民以板爲室屋

案西戎蓋今甘肅河州以西諸西番也

終南

終南何有有紀有堂

傳終南周之名山中南也紀基也堂畢道平如堂也尙書禹貢終南惇物鄭注在扶風武功

左氏昭四年傳荆山中南九州之險也注在始平武功縣南

漢地理志右扶風武功大豈山古文以爲終南

郡縣志終南山在京兆府萬年縣南五十里一名太亦名終南

案終南山橫互關中八百餘里太一峯最高故漢志以太一當之

渭陽

渭陽曰至渭陽

雋渭水名秦是時都雍至渭陽者蓋東行送舅氏於咸陽之地

水經渭水逕長安城北注卽咸陽

案咸陽本秦舊縣渭水南去縣三里秦咸陽在今陝西咸陽縣東二十二里

陳

陳風

鄭氏譜陳者大皞虛戲氏之墟帝舜之胄

漢地理志自胡公後二十三世爲楚所滅

通典陳州宛丘縣陳都

案今地見上

宛丘

宛丘宛丘兮之上兮

毛詩釋地

傳四方高中央下曰宛丘

爾雅陳有宛丘注今在陳郡陳縣

案今河南陳州府治淮甯縣即古陳縣宛丘即在城中已

東門之池

東門之池東門之池

傳東門國之交會池池城池也

水經注陳城故陳國也東門內有池

案今河南淮甯縣爲陳國故城池即在府城東門內

墓門

墓門墓門有棘

傳墓門墓道之門

案楚辭天問過陳一墓門王注墓門蓋陳之城門或郭門也此與傳說吳王注多魯詩說也

防邛

防有鵲巢防有鵲巢邛有旨苕

傳防邛也邛丘也

續郡國志陳國陳縣注引博物記曰邛地在縣北防亭在焉

案今河南淮甯縣即故陳縣防邑邛丘俱在縣北境

株林

株林胡爲乎株林

傳株林夏氏邑也

續郡國志陳縣注陳有株邑

寰宇記夏亭城在陳州西華（王氏原引作南頓誤）縣西南三十里

陳詩株林今此城北五里有株林一名華亭

郡縣志宋州拓城縣本陳之株邑詩株林是也故拓城在寧陵縣南七十里陳之株邑

案株林蓋野外之林也拓城在淮甯東北四五十里其爲古株林無疑已

檜

檜風

鄭氏譜檜者古高辛氏火正祝融之墟其後八姓唯妘姓檜者處其地焉

左傳國語作鄩

毛詩釋地

鄭語姁姓檜注陸終弟四子求言爲姁姓封鄆鄭今新鄭縣也

說文閼祝融之後姁姓所封澮澮之間鄭滅之水經注澮水又東南逕鄆城南注劉楨云北鄆於統括地

志鄆城鄆州新鄭縣東北一十二里郡縣志作三十二里

通典河南府密縣古鄆國有澮水鄆水鄆州新鄭縣有澮澮二水

案古鄆城在今河南開封府密縣東北外方鄭譜云豫州外方之北當云豫州之北外方之東也

曹

曹風

鄭氏譜曹者禹貢兗州陶丘之北地名

正義曹都雖在濟陰其地則臨濟北

輿地廣記周封曹叔振鐸於此

郡縣志古曹國在曹州濟陰縣東北四十七里

案今山東曹州府定陶縣西北四里有定陶故城卽古曹國也

南山

候人南山朝濟

傳南山曹南山也

左氏僖十九年宋人曹人邾人盟於曹南

郡縣志曹南山在曹州濟陰縣東二十里（寰宇記作縣東南）

案今山東曹州府曹縣南八十里有曹南山

邾

下泉邾伯勞之

傳邾伯邾侯也

左氏僖二十四年傳軍於邾服虔注邾國在解縣東邾瑕氏之墟也注解縣西北有邾城

水經注涑水西逕邾城邾伯故國也

輿地廣記河中府猗氏縣有邾城文王子所封

案今山西蒲州府臨晉縣東北十五里有邾城即古邾國也

豳

豳風

鄭氏譜豳者后稷之曾孫曰公劉者自邠而出所徙我狄之地名今屬右扶風醴邑在舊實雍州岐山之

毛詩釋地

北

國語周語夏之衰不痛竄我狄之間韋昭注幽西近我北近狄

漢地理志公劉處幽

通典邠州古幽國

郡縣志古幽城在幽州三水縣西三十里又慶州宏化縣東南三里有不窳故城

案邠幽古通用說文二篆並列古漆縣今陵西邠州州屬有三水縣邠州東北有幽亭幽谷三水縣西有古幽城是也慶州宏化縣今陝西慶陽府治安化縣也不窳城在府境內府東三里有不窳寨

東山

東山我徂東山

論語季氏篇東蒙主臯邢二疏並云蒙山在東故云東蒙主

孟子盡心篇登東山而小魯

水經琅琊郡臨沂縣有洛水一名武水東流過蒙山下有蒙祠又東南逕顯頤城卽孔稱顯夷爲東蒙主也
案東山卽蒙山也在今山東蒙陰縣南八里

四國

破斧四國是皇

傳四國管蔡商奄也

案地理志鄭氏譜並言河內本殷之舊都周既滅殷分其畿內爲三國卽鄘衛是也今河南衛輝府東北有故鄘城卽商國也府城西又有故鄆城卽管國也衛輝府淇縣東北有朝歌故城卽蔡國也今山東兗州府曲阜縣舊城卽古奄國地

毛詩釋地卷四

混夷

采薇序文王之時西有昆夷之患

箋昆夷西戎也

大雅縣混夷駟矣

箋混夷狄國也

孟子梁惠王篇文王事混夷

帝王世紀文王受命四年周正丙子混夷伐周一日三至周之東門文王閉門修德而不與戰

案昆夷地漢爲右扶風漆縣今爲陝西邠州也

玁狁

鹿室鹿家玁狁之故

史記匈奴傳唐虞以上有山戎玁狁葷粥居于九疊

漢書匈奴傳懿王時戎狄交侵詩人始疾而歌之

案穆天子傳天子至于雷首犬戎胡觴天子於雷首之門雷首山在今山西蒲州府絕流爲陝西華陰渭水入河之處是犬戎在渭汭也

朔方

出車往城于方

傳方朔方

城彼朔方

傳朔方北方也

案今順天府固安縣有方城卽漢方城縣地大雅韓城蓋卽在此

北山

杕杜北山陟彼北山

南山有臺北山有菜

案今在河南河南府城洛陽縣東北連偃師孟津鞏三縣縣界

南山

南山有臺

毛詩釋地

斯千幽南山

節南山節彼南山

蓼莪南山烈烈

信南山信彼南山

案南山終南山也

四海

蓼蕭序澤及四海也

箋九夷八狄七戎六蠻謂之四海虞書曰外薄四海

案九夷在東今朝鮮日本地八狄在北今內外蒙古七戎在西今新疆地六蠻在南今大江以南之地

焦獲鎬方

六月整居焦獲侵鎬及方 來歸自鎬

傳焦獲周地接于猷猷者鎬鎬也方也皆北方地名

案今地在陝西長安縣西北八九百里爲甘肅平涼縣固原州

涇陽

至于涇陽

箋涇水之北

案今涇水出甘肅平涼縣斧頭山

太原

至于太原

國語周詒宣王料民於太原

案今甘肅平涼府固原州卽其地

蠻荆 蠻髦 蠻方

采芑泰爾蠻荆

傳州之蠻也

角弓如蠻如髦

傳蠻南蠻也髦夷髦也

大雅抑篇用遏蠻方

箋蠻畿之外也

毛詩釋地

案今湖南長沙府以東舊蠻蠻之地地在巴蜀今爲四川重慶府巴縣

甫草

車攻東有甫草

韓作圃章鄭箋云圃田之草也

案圃田澤在今河南開封府中牟縣地

敖

薄獸於敖

傳敖地名箋敖鄭地今近榮陽

案今河南開封府榮澤縣西北十五里有敖山卽此

漆沮

吉日漆沮之從

大雅縣自土沮漆

周頌潛猗與漆沮

傳漆沮岐周之二水也

案今沮水出陝西中部縣西境漆水出陝西永壽縣西境

沔水

沔水沔彼流水

案今陝西沔縣上沮水下流爲東漢水東南流至湖北江夏縣入江

宗周

正月赫赫宗周

傳宗周鎬京也

案鎬故城在今陝西長安縣西南三十二里

褒

褒姒滅之

傳褒國也姒姓也有褒國之女幽王惑焉詩人知其必滅周也

案漢褒中縣今陝西褒城縣也

向

十月之交作都于向

毛詩釋地

傳向邑也

案今河南開封府尉氏縣西南四十里有向城

蘇暴

何人斯序蘇公刺暴公也

箋蘇暴譏內國名

案蘇卽溫也溫縣今屬河南懷慶府古溫城暴隆今在懷慶府原武縣境

有北

巷伯投畀有北

傳北方寒涼而不毛

案有北今內外蒙古地

淮水

鼓鐘淮水湯湯

禹貢桐柏大復山在東南淮水所出

洛

瞻彼洛矣

傳洛宗周溉浸水也

案洛水有二一爲河南之洛今出陝西雒南縣一爲河北之洛今出甘肅安化縣

謝

黍苗肅肅謝功

傳謝邑也

大雅崧高子邑于謝

傳謝周之南國也

案古謝城在今河南南陽府鄧州境

北流

白華泂池北流

傳泂流貌箋豐鎬之間水北流

案水源皆出終南

荆舒

毛詩釋地

漸漸之石序下國刺幽王也戎狄叛之荆舒命將軍來征役

箋荆謂楚也舒舒鳩舒鄧舒庸之屬

常頌閔宮刺舒是懲及彼南夷

傳南夷荆楚也

案漢舒縣故城在今安徽廬江縣西今安徽安慶廬州二府及六安州皆古羣舒之地

毛詩釋地卷五

摯

大雅大明摯仲氏任

傳摯國任姓箕摯國中女曰大任

案殷商舊畿爲今河南衛輝府治摯國當在境內

洽陽 渭涘

在洽之陽在渭之涘

傳洽水也渭水也涘厓也

案今陝西同州府郃陽縣有金河卽郃水今甘肅渭源縣卽古渭涘矣

莘

續女維莘

傳莘大姒國也

案古莘國在今陝西郃陽縣南三十里

毛詩釋地

牧野

矢于牧野牧野洋洋

傳矢陳洋洋廣也

魯頌閟宮于子牧之野

說文嫔朝歌南七十里地

案牧野當在今河南衛輝府淇縣南

西水潒

絲篇率西水潒

傳潒渰也循西水涯沮漆水側也

案西水潒卽漆水今出陝西永壽縣西境此爲自郿至岐必由之道史遷鄭君並言沮漆特連類而及耳

岐下 岐陽

至於岐下

皇矣居岐之陽

箋地在岐山南居渭水側

魯頌閼宮居岐之陽

案岐山在今陝西鳳翔府岐山縣扶風縣

周原

周原臚臚

傳周原沮漆之間也

案今陝西鳳翔府岐山縣西北有周城

虞芮

虞芮質厥成

傳虞芮之君相與爭田乃相與朝周入其竟耕者讓畔行者讓路乃相讓以其所爭田爲閒田而退

桑柔序芮伯刺厲王也

箋芮伯畿內諸侯王卿士也字良夫

案今山西解州有古虞城陝西同州府朝邑縣有芮國故城

涇

毛詩釋地

鳧鷖鳧鷖在涇

箋涇水名也

尚書禹貢雍州涇屬渭汭

說文涇水出安定涇陽開頭山

案今涇水出甘肅平涼縣斧頭山東南流至陝西高陵縣入渭

旱麓

旱麓瞻彼旱麓

傳旱山名也麓山足也

案漢地理志漢中郡南鄭旱山南鄭故城在今陝西漢中府南鄭縣東二里旱山在縣西南十五里旱

山今曰縮蓋山池水今曰老渚河

密

皇矣密人不共

傳國有密須氏

案漢陰密縣今甘肅靈臺縣也古密國在縣西五十里考密有二姬姓河南密縣也一結姓卽此也

阮共

侵阮徂共

傳國有密須侵阮遂往侵共箋阮也徂也共也三國犯周南文王伐之

案毛鄭異義未詳孰是

鮮原 居岐之陽

度其鮮原居岐之陽

傳小山別大山曰鮮

箋度謀鮮尋也方猶鄉也

案漢扶風美陽縣今陝西扶風縣也岐山在縣東北四十里

崇

以伐崇墉

傳城也箋崇侯虎倡紂爲無道

案殷之崇國在今陝西郿縣東春秋之崇國燕崇侯虎之故國周既滅之又別封諸侯也

毛詩釋地

五七

豐

文王有聲作邑於豐

箋作邑者徙都於豐

作豐伊匹

傳匹配也

維豐之垣

箋作邑於豐城之既成又垣之

案今陝西西安府治東南十五里有故杜陵城一統志豐宮在今西安府鄠縣東五里文王作邑於豐時所居

豐水

豐水東注

箋昔堯時洪水而豐水亦溢爲害禹治之使入渭東注於河

案今鄠水出陝西鄠縣北流至咸陽縣入渭

邠

生民有邠家室

傳邠姜嫄之國也

案郡國志無蔡縣鄠下有邠亭今陝西乾州武功縣西南二十二里故蔡城是其地也

隰原

公劉于豳斯原

度其隰原

鄭氏譜邠者今屬右扶風掬邑在禹貢雍州岐山之北原隰之野

案今陝西邠州及三水縣卽古邠地

百泉 溥原 流泉

逝彼百泉瞻被溥原

觀其流泉

案漢朝邠縣故城在今甘肅平涼縣北三水縣故城在今甘肅固原州東北百泉溥原當並在其間矣

皇澗 過澗

夾其皇澗 逝其過澗

傳皇澗名邈鄉也過澗名也

毛詩釋地

案寧陽城真甯縣今陝西邠州三水縣也縣東北有汎河經縣城入涇蓋卽大陵小陵水卽詩之皇澗過澗矣

芮鞠

芮鞠之即

案今芮水出甘肅華亭縣東流入涇

凡伯

大雅板序凡伯刺厲王也

案凡伯周同姓周公之胤也入爲王卿士

案凡故城在今河南衛輝府輝縣西南二十里

鬼方

蕩篇覃及鬼方

傳鬼方遠方也

案周易干注孟子音義並以鬼方爲北方之國世本後漢書竹書紀年並以鬼方爲西方之國傳以鬼方爲遠方最得經意

仍

雲漢序仍叔美宣王也

華仍叔周大夫也

案左氏公羊作仍穀梁作任古通字也蓋今河南新安渑池諸縣境內然不可考矣

四嶽

崧高嶽高維嶽

傳崧高貌山大而高曰崧嶽也東嶽岱南嶽衡西嶽華北嶽恆

高山

周頌般篇陟其高山

傳高山四嶽也

案泰山在今山東泰安府泰安縣北五里華山在今陝西同州府華陰縣南八里衡山在今湖南衡州

府衡山縣西恆山在今直隸定州曲陽縣西北

甫申

騶嶽降神生甫及申

毛詩釋地

傳堯之時姜氏爲四伯掌四嶽之祀於周則有甫有申

箋申申伯也甫甫侯也

案呂與甫古字通古偁申呂

郿

王錢於郿

傳郿地名

案今陝西鳳翔府郿縣東北十五里渭水之北有故郿城

仲山甫

烝民生仲山甫

傳仲山甫樊侯也

案陽樊在今河南懷慶府濟源縣東南三十八里

城東方

城彼東方

傳東方齊也

案今山東臨淄縣西北營丘城是也

梁山 韓城

韓奕奕梁山 韓侯受命 薄彼韓城

案梁山於韓國之山最高

案當屬幽燕之域

屠

出宿于屠

傳屠地名

案酈谷在今陝西同州府郃陽縣季氏詩解顧曰同州酈谷似太遠然送行可遠可近當是送至河干矣

燕

燕師所完

案今順天府大興縣

百蠻 道狃 北國

毛詩釋地

因時百變 其追其貉 奄受北國

案蓋今漠南內蒙古諸部也

淮夷

江漢淮夷來求

傳淮夷東國在淮浦而夷行也

案今江南楊州淮安二府

南海

至于南海

案四海卽四夷則南海亦上云淮夷耳

淮浦

常武丰攸淮浦

傳浦厓也

案洪澤湖與淮河合蓋循此厓而行也

徐

徐

省此徐土

方經駁

征徐國

案今安徽泗州北有徐城

程

命程伯休父

傳程伯休父始命爲大司馬

案今河南陽河府洛陽縣上程聚蓋在縣境

毛詩釋地卷六

洛邑

周頌清廟序祀文王也周公既成洛邑朝諸侯率以祀文王焉

箋成洛邑居攝五年時

案瀝水東既成名曰成周今洛陽縣是也召公所卜處名曰王城今河南縣是也

高山

天作天作高山

箋高山謂岐山也

案岐山扶風在今陝西鳳翔府岐山縣東九十里

喬嶽

時邁及河喬嶽

傳喬高也高嶽岱宗也

泰山

魯頌閟宮泰山巖巖

案泰山舜典禹貢周禮職方並作岱山在今山東泰安府城北五里

二王之後

振鷺序二王之後來助祭也

箋二王夏殷也其後杞也宋也

案杞國今山東青州府安丘縣及昌樂縣東南境諸城縣東北境宋地見前

四嶽

殷序巡狩而祀四嶽河海也

於皇時周陟其高山

傳高山四嶽也

案泰山在今山東泰安縣北五里

翁河

允猶翁河

傳爲合也

毛詩釋地

魯

案自河南濬縣北流至臨漳縣境今濬縣之衛河蓋其故澗

魯頌

鄭氏譜魯者少昊禪之虛也

案明堂位言成王封周公於曲阜地方七百里

泮水

泮水思樂泮水

傳泮冰泮宮之水也

箋泮之言半也

案泗水縣今隸山東兗州府泮水一名雲水源出曲阜縣

戎狄

閼宮戎狄是膺

案今山東曹縣有故戎城

龜蒙

奄有龜蒙

傳龜山也蒙山也

案蒙山卽東蒙在今山東沂州府蒙陰縣南四十里

大東 海邦

逆荒大東至於海邦

箋大東極東

案魯地在禹貢徐州大野蒙羽之野卽羽山也今江蘇海州山東沂州嶧縣郛城是魯東境

鳧繹

保有鳧繹

傳鳧山也繹山也

案今山東兗州府鄒縣二十二里有繹山鄒縣東南四十里有鳧山

徐宅

遂荒徐宅

案左氏昭九年傳周有徐奄注二國嬴姓

毛詩釋地

常許

居常與許

傳常許魯南鄙西鄙箋許許田也

案今河南許州西南四十里有魯城後置邑卽許田也

徂來

徂來之松

傳徂來山也

案徂來山在今山東泰安府治東南四十里咸豐癸丑之夏嘗過山側今猶青松綠鬱云

新甫

新甫之柏

傳新甫山也

案新甫一名宮山山在新泰縣西北

商

商頌

郛氏諸商者契所封之地其封域在禹貢徐州泗濱西及豫州盟豬之野

案契所封商地乃今陝西商州直隸州也

殷土

商頌元鳥宅殷土芒芒

筆白契至湯八遷始居亳之殷地而受命

案商丘爲今河南歸德府治

氐羌

殷武自彼氐羌

案夷狄國在西方

案漢地理志有氐道羌道氐道在今甘肅清水縣西南羌道在今甘肅洮州廳西

有城

長發有城方將

傳有城契母也

案漢志中岳古文以爲外方山在今河南登封縣西有城國當卽在此

韋顧 昆吾

韋顧既伐昆吾夏桀

傳有韋國者有顧國者有昆吾國者韋章彭姓也顧昆吾皆己姓也

案韋城在今河南滑縣西南十五里顧城在今山東范縣東南五十里昆吾城在今直隸開州

景山

殷武陟彼景山

左氏昭四年傳商湯有景亳之命

寰宇記景山在應天府楚丘縣北三十八里

案今河南偃師縣有蘇氏城文選洛神賦陵景山李注稱河南郡圖曰景山在蘇氏縣南七里者也縣
紆南二十里有景山卽此詩之景山也

咸豐初元 先儒林公撰毛詩釋地六卷同治元年進 御覽蒙 上獎光緒十一年儀徵下頌臣尙

書稱其有益後學十二年錢唐汪郎亭侍郎序之謂王伯厚詩地理考引而未申此書博采爾雅桑經
條其異同訂其得失站於光緒十九年曾付梓人年來遭亂板燬謹將存稿錄出以告來者丁亥二月
站記

毛詩釋地

版權所有●不准翻印

著者 桂文燦

出版者 私立廣東國民大學

出版組

發行所 私立廣東國民大學

圖書館

廣東廣州市荔枝灣

每冊定價國幣二千元

中華民國卅六年五月初版

82



速迅信起路通西